

如此好學如此用功者幾人乎佑帝君云天涯到處人求
我走徧天涯不見人誠哉是言也

知

學莫先於致知致知在格物必學了思思了學至於豁然貫通
則知至矣知至則意誠心正可次第而得之矣學者識見有限
天下義理無窮故有所知必有所未知及知其所未知更有所
未知故詩人有如切如磋之喻人非無知也而真知爲難人之
於珠玉也皆欲以手執之以懷藏之何哉蓋真知其爲寶也學
道者如是真知不患其不力矣人之於砒刀也皆不敢以舌嘗
之以身當之何哉蓋真知其能傷人也去惡者如是真知不患

道藏輯要

養真集

三

背集九

又目十川

其不淨矣人心本明只爲物欲所蔽便昏了若知是物欲所蔽
便是明處緊緊著力主定今日去些明日去些忽生忽滅汝知
之乎知而能照則可不生不滅至於不生不滅則心定而性盡
矣今汝之氣一出一入汝知之乎知而能依則可以不出不入
至於不出不入則氣全而命立矣

白鬚老人曰今人論知行多云知易而行難殊不知
者皆聖賢之枝葉皮膚耳真精髓真命脈曷嘗容易知哉
人若真知必能真行其不能真行者仍是假知

行

知行原是合一之功常常保得知在便是能行若一刻不行便